

[www.BibleForChildren.org](http://www.BibleForChildren.org)




Juan 14



Jéyacsi Jesús: —Jam ra' cajotyiti cōjtyi'cān mi'in,  
cūtiĉam' Jen'che' mi'in, yūche' chime' cūtiĉam'.  
Jen'si'che' bā'yedye' yū mọ'ya' dai' vavdye' in. Mu'che'  
ra' jā'mij jįcaij yū, yū ra' yū'tyeyeyac vavdyes mi'in.



Jam me' bu'yi' juijya', a vuty jam me' jéyac u. Mu'che' ra' yu jäm' yu'tyeyeyac vavdyes mi'in, a ra' me'si' juijya', chat qui ra' ca'ñibun yu jäshadyeyac, mu'che' ra' pen'dyetyac mi'in, yóche'dyem' yu u.



Yü Juan vojity mi'in, mu' Jesucristo vaj cäts  
ayo'bu'yi tsundyeyes, vaj cäts chime' tyum'chutiça'  
ñibedyesya', mo' jî'çojtyeja'si'

Jesucristodyesi' tsun.




Jesha', yu va'cac marçansi'che' poçho' mu'che'  
cä'räij yu voro'yedyes Jen'si' pëyacdye' mu',  
mọ' pëyes Jesucristo. Mọ' poçho'


Patmos tij mọ'.




Me'candye Jen'si' A'edye' mu' tšútyin yu, mọ'che'dye  
najibite yu ayos bä'yaquis mu' mọ' mąyedye'ches,  
mu'che' cąveteij bä'va'joij.



Me'candye yu se'vacsebi tima'cacdye' räj jäm'tacdye'  
Jen'si' mu', mayedye'chety in judyeya' jacchety in  
judyeya' jaccân bä'yity in, judyeya'  
marcânsi' chime' in, me' me'  
se'vacsi yu. Yi in: . . .



. . . "Tsun tima'queja mu' bā'yaquischety judyeya'  
mu' Oveca bu'yity chime', yoshoropaij jéyacseja',  
câcâij na ferdye'tumtyi' in, judyeya'  
majquedye'tumtyi' in, paj jam  
ju'ñisân mayedye' mōtsi'  
tima'cacdye' mu'in", yi in.




Yı çavepte Jen'si' bā'yedye' mu' mọ' nash mui'sis  
Jerusalén, mąyedye'che' jıttui', Jen'yas ayij mọ'. Jeñej  
yiris p̂en vāmıis ra' jä'mii'tyi' vämedyedyes mọ', me'  
bu'yi'dye mọ' bā'yedye' yu'tac.



Se've' yu fersi' mąyedye'ches p̂eyacdye'  
bä'yaquisches, yi': —Quin' mu' Jen' aty jajbu'yacsi  
muntyi' in. Mu' ra' jajbu'yacsi, ĉui'tyi' ra' muntyi' shupqui  
mu'. Jen'dye ra' pen'dyeticuci, mu'dye ra' Jen' mu'in.



Anjer ji'caviyin yu mu'canti' cojiro anic chintyi', mo' na  
ojni' mu' tsa'chucsis ra' muntyi' in, mo'can shupqui'  
ba'yaquiscan Jen'si' mu' judyeya' Oveca bu'yitysi'can.



Mọ'ches bā'yedye' jam jemoñe' majquedye' tsunsim'  
mijam ivas, çui'sim' majquedye' Jen'sim', mọ' maj  
bu'yi' mọ'che', judyeya' mu' Oveca bu'yity maj bu'yi  
mu'che' chime'.




Mọ' qui na ram' a'çhis jedye' jam jun'yi' siti' mọ'che'.  
Tyi chuc a'çhistum ts'icadye' bä'yi in mu'in ra' jam jun'  
cänä'vaqui in mijam väväjñity  
chime' in. Mu'in ram'  
sánactyi' tij quircache'  
in Oveca bu'yitysi'che'  
mu', mọ' jì'jäcacsis  
mu'in Jen'ya' ra'  
bä'yity in, mu'in  
ram' siti mu'cân in.




Jen' ra' jì'tätsacsebi táris mu'in,  
jadyic ra' sän'dye' mu'in, jadyic  
ra' táredye' mu'in judyeya'  
vátedye' chime' mu'in, aty ra' jam  
jì'çojtyeban' quivij are'redye' in,  
räj mọ' tashches jì'çojtye'si' jiquej  
in, räj ra' mọ'in jì'motsac in —yi'  
mọ' p̄eyacdye'.




Räj jām' bu'yi' mọ'che', jam jeñej tashchesân jac  
jiquej, mọ' çai'si' va'tacdye' Jen'si' jiquej mu'. Mọ'cân  
ra' bä'yi' bä'yaquis Jen'si' mu' judyeya' Oveca  
bu'yitysi', mu'cân ra' ayo'bu'yi in. Çui'tyi' ram' úñity mu'  
tima'quete in. Mu'in  
ra' vejya' çavete in,  
vaj vejtı ra' mu'tum  
in, tij ra' mu'  
me'chupte  
jáfiche' mu'in.



Chime'dye çavacseban yu räj mu'in säñity jiquej in,  
muju'chaty in judyeya' uya'yaty in, mu'ya' mu'in in  
Jen'si'ya' vej in. Chat qui vanchuc mo' quirca in  
judyeya' yocsi' quirca chime' vanchuc, mo' ji'jäcacebi'  
tij Jen'ya' ra' bä'yity in. Chat qui mu' Jen'  
ji'cäts yu'tacsi mu'in säñity in jun' jun'  
chuc sánac quircache' in, jun' jun'  
chuc bä'yaque jacche'  
jiquej in. Tyi chuc  
jam sánactyi' tij in  
Jen'si'che' quirca  
mu', mu'in me'tyity  
in va'cac tîjîcan in.



Jen'si' A'edye' mu' vaj cäts Jesústyitum muntyi' mu',  
mu'in nash Ovecas bu'yi pêen in, mo' vâmis ra' mu'che',  
mu'in yi jéte in: —¡Atsiva! Tyi chuc se'vacsebi pêyacdye'  
mo'in, paj mu'in yi chime' in: —¡Atsiva! Tyi chuc jajri  
juijya' in, tyi chuc ma'je' ñibe'jeyac juijya' in, paj atsij  
fibi'ya' ra' tyeij  
in mo' ojñi'  
tsa'chucsis.



Mu' Jen' fer ma'jeyacsi jacchety  
muntyi' in, me'dyes qui mu' yu'taqui  
mu' yiritytyity Ava' mu'. Tyi chuc  
anicjete in mu'in ra' jam çave'  
sän'dye' in, räjäcan ra'  
Jen'ya' bä'yi in.



Romaçantyidyés 3:23 âcaïj na räj juchajtum bä'ja' úchety  
tsun, anic moch bu'ja', mijam çhe'i'ya' bu'ja' Jen'ya' mu'  
majquedye'tumtyi'ya' Jen'.

Romaçantyidyés 6:23 Mọ' ya'itacdye' juchaijtyidyés in,  
sän'dye' ra' so'mac in. Mọ'ya' chime' mọ' ñibe'yedye'  
so'misin'si' Jen' Jesucristoty tsun, mu' nash Ayo' tsun, mu'  
so'misin' paj qui räjcan Jen'ya' bä'ja' tsun.

Hebreodyés 9:27 Me'dye quin' räj muntyi' in yiri' quim' sãñi  
in, chat qui ra' mu' Jen' jì'cäts yu'tacsi juchadye'ya' mu'in.

Efesoçantyidyés 2:8,9 Jen' ñibe'jitidyésya' mu' jì'çhonnac  
mi'in anicyedye'ya' mi'in, mijam jun' bu'yi tupuj çui' jì'çhonti  
mi'in, ñibe'jitidyésya' mu' jì'çhonnac mi'in.

Tsun jam çui' tupuj jì'çhonticâ' tsun jun' chuc ruij bä'ja',  
mọ'dyés jam jun' tupuj çui' va'bunyeja' tsun jun' chuc mọ'  
çhon'dyedyés tsun.



Romaçantyidyés 10:9,10 Tyi chuc p̄ejte mu' Jesús yi: "Mu' Jesús anicityity Ayo' tsun", judyeya' chime' anicyi çojtyi'çan mu', jun' chuc mu' Jen' vañinjabajte jiquej, mu' nash ra' çhoñi.

Jemoñe' çojtyi'çan anicjeja Jen' paj qui mu' ruñij yu'sin' judyeya' p̄eyacdye'ya' mu' ji'jácja Jesucristo, chat qui ra' mu' Jen' ji'çhonsin' tsun.

Juan 3:16,17 Mu' Jen' fer ma'jeyacsi jacchety muntyi' in, me'dyes qui mu' yu'taqui mu' yiritytyity Aḅa' mu'. Tyi chuc anicjete in mu'in ra' jam çave' sän'dye' in, räjäçan ra' Jen'ya' bä'yi in.

Jen' jutaqui Aḅa' mu', jam paj qui va'tacdye' so'macsi jacchety muntyi' in. Dam'dye mu' jutaqui Aḅa' paj qui mu' ji'çhonacsive muntyi' in.



Tashches Juansi' 5:11-13 Ọij pêyacdye' ji'chăquiyisin' jun'  
chuc mu' Jen' tsă'chusin' tsun paj qui Jen'yadyety tsun,  
chimo'dye ji'chăquiyisin' tsun jun' chuc mu'dye Aḃa' mu'  
tsă'chusin' tsun.

Mu'in me'chuptety in Jen'tyi' Aḃa' mu', mu'in Jen'yadyety in,  
tyi chuc jam me'chuptety in mu'in jam Jen'yadyety in.

Ọij ũuin' săñe' yu mi'indyas anicjeptintety Jen'tyi' Aḃa' mu',  
yu jéyac ọij paj qui jăm' chij mi'in, mi'in aty Jen'yadyety  
mi'in.



Juan 14; Jäqui'ves Corintoçantyidyes 5;  
Ji'cavacdye' 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Tsimane (cas) Copyright 2017 Nuevo Testamento en  
Chimane Jen'si' Pëyacdye'

<https://live.bible.is/bible/CASNTM/GEN/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

